

皇
明
典
禮
志

皇明典禮志卷之二

江夏 郭正域 撰

大朝儀

洪武元年九月議正旦朝會儀。先日內使監陳御座香案於奉天殿。設皇太子親王次於文樓。侍儀司設表案於丹墀內道西北。文武官起居位於文武樓南。東西向。一品二品拜位於內道上之東西。三品以下拜位於內道下。每等異位重行。北面。使者位於文武官拜位之東。北面。西上。殿前班侍從班。諸執事起居位於文武官起居位北。東西向。捧表

官。宣表官。宣表目官。展表官。位於表案西。東向。糾儀御史二。位於表案南。東西向。宿衛鎮撫二。位於東西陛下。護衛百戶二十四。位南稍後。典牧所官二。位於乘馬前。司晨郎報時。位於文武官拜位北。知班二。位拜位北。東西向。通贊贊禮二。位於知班北。通贊西。贊禮東。引文武班四。位於文武官拜位北。稍後。東西向。引殿前班二。位於南。引使者二。位於南。舉表案二。位於引武班北。舉殿上表案二。位於西陛下。東向。丹陛中設壘。太子親王拜位。殿前班指揮司官二。侍立。位於陛下。東西向。宣徽院官

三侍立位於陛上東西向。儀贊司官位於殿中門左右護衛千戶八位於殿東西門左右典儀二位於陛上南俱東西向。鳴鞭四列於殿班南北向。將軍六於殿門左右。天武將軍四於陛上西階皆東西向。殿上設寶案於正中。設表案於南。皇太子親王位於表案南。文武侍從起居注給事中殿中侍御史尚寶卿位於殿上東西向。懸刀指揮位於殿上東西向。受表兼受表旨官位於文官侍從班南。西向。內贊二位於受表官南。東西向。捲簾將軍二位於簾前。東西向。翼明金吾衛設鹵簿陳五輅列

甲士於午門東西列旗仗於奉天門外東西陳儀仗於丹陛上及丹墀之東西拱衛司於皇太子親王位設拜褥典牧所設馬於文武樓南各三東西向和聲郎陳樂於丹墀文武官拜位南侍儀司舍人二舉表案入就殿上位舍人二以表函置於案舉入丹墀位鼓初嚴百官朝服次嚴於午門外北上東西向通班贊禮宿衛鎮撫入就位諸侍衛官各服其器服尚寶卿侍從官入詣謹身殿候迎鼓三嚴文武官以次入侍儀奏外辦御用監令請皇帝服袞冕御輿以出尚寶卿捧寶侍儀侍衛導從

警蹕

皇帝將出。仗動。大樂鼓吹振作。陞御座。樂止。將軍捲簾。尚寶卿以寶置於案。拱衛司鳴鞭。司晨郎報時。鷄唱訖。諸侍從官拱衛司官。由殿西門出。降自西階。引班引入起居位。通班贊某衛指揮使臣某以下起居。樂作。四拜。樂止。指揮使以下皆鞠躬。

聖躬萬福。復位。贊拜。樂作。四拜。樂止。通班贊供事。殿前班侍從班。及諸執事就位。引進引皇太子及親王。由奉天東門入。樂作。陞自東階至丹陛。拜位。樂止。贊拜。樂作。四拜。興。樂止。導詣奉天殿東門入。樂

作內贊導至

御座前樂止。贊跪。皇太子親王皆跪。皇太子稱賀曰：長子某。茲遇履端之節。謹率諸弟某等。欽諸。

父皇陛下。稱賀制曰。履端之慶。與長子等同之。贊俯伏。興導由東門出。樂作。引進導復丹陛。拜位。樂止。贊拜。樂作。四拜。興。樂止。降自東階。樂作。至文樓。樂止。司辰再報時訖。通丞相名。臣某以下起居。引班。贊拜。文武百官入拜位。北面立。初行。樂作。至位。樂止。知班贊班。贊禮贊拜。樂作。四拜。興。樂止。引班導丞相至。

御座前贊跪。贊禮贊衆官皆跪。丞相跪奏曰。具官臣某等。茲遇三陽開泰。萬物維新。欽惟

皇帝陛下。膺軋納祐。奉天永昌。內贊贊俯伏興。丞相俯伏興。贊禮贊俯伏興。衆官皆俯伏興。內贊導出殿西門。樂作。丞相降自西階。復位。樂止。捧表以下。官由殿西門入內。贊贊進表。捧表官捧表跪進於案前。受表官搯笏。跪於案東。受表及表目置於案出笏。興。退。復位。捧表官出笏。興。退。立於殿內之西。東向。贊宣。宣表目官詣案前。搯笏。跪。宣展。展目官搯笏。同跪。展宣畢。展表目官出笏。復位。宣表目官

俯伏興以表目復於案出笏退復位宣表官詣案前搢笏取表跪宣展表官搢笏同跪展表官出笏一人以表復於案俱退宣表官俯伏興同捧表以下官出殿西門降自西階復位樂作四拜樂止給事中詣

御座前跪承制由殿中門出至丹陛上東南西向曰有制百官皆跪給事中宣曰

皇帝制曰履端之慶與卿等同之給事中由西門入跪奏曰承制畢俯伏興還侍衛贊禮贊俯伏興搢笏鞠躬三舞蹈跪山呼各拱手加額呼萬歲者三

凡呼樂工軍校齊聲擊鼓應呼之出笏俯伏興樂作四拜樂止侍儀奏禮畢鳴鞭。

皇帝興樂作警蹕侍從導引三謹身殿樂止舍人各舉表案出丞相以下皆出其冬節致詞則曰律應黃鍾日當長至傳制則曰履長之慶。

天壽聖節致詞曰恭惟

惟仙

皇帝萬壽聖節臣某等誠忭敬祝萬萬歲壽不傳制。洪武初禮部太常寺言舊制朝賀之禮既贊三舞蹈復贊三山呼羣臣舉手加額與樂工軍校齊聲稱萬歲者三近改擬山呼為贊呼百官應之曰天輔

有德曰海宇咸寧。曰聖躬萬福。竊惟殿庭尊嚴。贊呼貴齊一。今百官三呼齊應。誼諱不齊。誠爲失儀。山呼故事已久。甚爲嚴肅。宜仍其舊從之。

洪武三年春正月。先是

上以天下初定。欲通下情。日詔百官悉侍左右。詢問民情。咨訪得失。考論典禮。小臣亦得上殿。至踰班序。

上謂羣臣曰。朝廷禮法爲先。朕始欲咨訪庶事。故令百官侍左右。至班序失次。何以肅朝儀。自今文武百官。除侍從中書省。大都督府。御史臺。指揮使。六

部尚書侍郎等官上殿其餘文武四品以下并列
丹陛左右。違者糾正之。

洪武五年八月命罷天下進賀

聖節冬至表箋。

上謂侍臣曰。正旦歲首。天運維新。人君法天。進表稱
賀。固宜。若生辰冬至。表賀繁矣。生辰父母劬勞之
日。朕皇考皇妣蚤逝。是日不勝悲悼。忍受天下賀
乎。宜皆罷之。

九月壬戌

聖壽節。先日中書右丞相汪廣洋率百官請行慶賀。

禮。

上曰朕已令此禮。卿等其體朕懷勿賀。時高麗國王王顯遣同知密直司事成揆進表稱賀。并遣版圖判書林完賀皇太子千秋節。貢金銀龍盞玳瑁之屬。詔中書諭其王繼令。

聖壽節千秋節俱免賀。自是每歲

聖節日齋居素食不受賀。

洪武二十六年六月壬寅命禮部官重定凡正旦朝會先日尚寶司設

御座於奉天殿及寶案於御座東設香案於丹陛南

教坊司設中和韶樂於殿內東西北向。質明錦衣衛陳鹵簿儀仗於丹陛。及丹墀東西設羽扇於殿內東西。列車輅步輦於丹墀東西相向。鳴鞭四人左右北向。教坊司陳大樂於丹陛。東西北向。儀禮司設同文玉帛案於丹陛東。金吾衛設護衛官於殿內。及丹陛東西。陳甲士於午門外。奉天門外。及丹陛東西。錦衣衛設將軍於奉天門外。丹陛丹墀。及奉天門。列旗幟於奉天門外東西。典牧官陳仗馬犀象於文武樓南。東西向。欽天監設司晨郎報時位於內道東。近北。立糾儀御史二於丹墀北。東。

西向內贊二。於殿內外贊禮二。於丹墀北東西向。設傳制宣表等官。位於殿內東西向。鼓初嚴。文武官朝服齊班於午門外。鼓次嚴。引禮引百官由左右掖門入。詣丹墀東西北向立。鼓三嚴。執事官詣華蓋殿伺候。內官請

皇帝袞冕陞座。鐘聲止。儀禮司官奏曰。各執事官行禮。贊五拜禮畢。贊供事執事官各就位。儀禮司請陞殿。駕興樂作。奏聖安之曲。尚寶司官奉寶前行。導駕官前導。扇開簾捲。尚寶司官置寶於案。樂止。鳴鞭報時。唱曉內贊贊班。贊禮贊拜。大樂作四拜。

樂止。典儀贊進表。大樂作給事中二人詣同文案前導。引序班舉案。由東門入。置殿中。樂止。內贊贊宣表目。宣訖。興。贊宣表官至簾前。外贊贊衆官皆跪。宣表訖。內外皆贊興。序班舉表案於殿東。外贊贊衆官皆跪。代致詞官跪於丹陛中。致詞訖。外贊贊衆官興。樂作。四拜。興。樂止。傳制官傳制。三舞蹈。呼萬歲者三。大樂作。贊四拜。樂止。儀禮司官跪奏禮畢。中和樂作。奏安定之曲。駕興。尚寶司官奉寶導。駕官前導。至華蓋殿。樂止。百官以次出。

嘉靖七年定大祀禮成。駕還。百官具朝服於承天門。

外橋南立迎

駕隨至奉天殿丹墀內侍立。執事官先至華蓋殿前。東西拱立候。

上御華蓋殿。具袞冕服。陞座。鴻臚寺卿奏執事官行禮。鳴贊贊五拜興。各拱事。鴻臚寺卿請陞殿。樂作。上御奉天殿。陞座。樂止。鳴鞭。鴻臚寺卿贊班。四拜興。贊跪。鴻臚寺卿於丹陛中道跪致詞曰。公侯駙馬伯。文武百官某。官某。臣某等。恭惟圜丘大報禮成。禮當慶賀。致詞畢。由殿東門入。殿內侍立。鳴贊贊拜。樂作。四拜興。樂止。鴻臚寺卿於殿內奏禮畢。傳贊禮畢。

鳴鞭

上還宮百官退

舊制冬至日卽行賀禮嘉靖九年分祀二郊以冬至大報是日行慶成禮次日行朝賀禮畢舉慶成宴是年再定次日

上詣內殿行節祭禮又詣

母后前行賀禮畢始御奉天殿受百官賀

嘉靖十六年議更先日禮部主客司設蕃國貢方物案入於丹陛中道左右欽天監奉定時鼓於文樓上雞唱官司晨一於文樓下西向錦衣衛將軍六

於殿內南。北向。將軍四於丹陛。四隅。東西向。鳴鞭
四於丹墀中道左右。北向。金吾等衛護衛官二十
四於丹陛南。六人於丹墀北。俱東西向。陳方物。鴻
臚司賓署丞一。徹方物案。鴻臚寺序班十六。於丹
陛中道左右。外贊鴻臚寺鳴贊十二。於丹陛及丹
陛東西。糾儀御史十二。於丹墀東西。殿前侍班。錦
衣衛千戶六。光祿寺署官四。序班二。傳呼鳴鞭。錦
衣衛百戶四。俱於殿中門外。東西向。導表六科都
給事中二。序班二。於表案左右。掌領侍衛官三。於
殿內。東西向。錦衣衛正直指揮一。於簾右。東向。百

戶二於簾下。左右向捲簾畢。卽趨出殿門外。各
立以俟。鼓三嚴。執事禮部尚書侍郎官。并內贊鳴
贊一。陳設表案。并舉案序班五。典儀鴻臚寺司儀
署丞一。捧表禮部儀制司官四。展表六部都察院
通政司大理寺官二。宣表致詞。并傳制鴻臚寺官
五。奉寶尚寶司官二。導

駕六科給事中十殿內侍班翰林院官四。中書官四。
糾儀御史四。序班二。及各遣祭官俱詣華蓋殿外。
候

上衮冕陞座。鐘聲止。入序立。遣祭官以次復命訖。各

趨入丹墀班。禮部官奏方物並請

上位看馬得旨復位。鴻臚寺卿奏執事官行禮。贊五拜。贊各拱事。鴻臚寺卿請陞殿。駕興。導駕官前導。尚寶官奉表前行。中和樂作。奏聖安之曲。

上御奉天殿。陞座。導駕官立於殿內柱下。東西向。侍班翰林官立於東。中書官立於西。糾儀御史序班立於下。尚寶官置寶於案。分立於導。

駕官上。樂止。鳴鞭報時。鷄唱訖。外贊贊班。大樂作。四拜興。樂止。內贊贊進表。大樂作。導表官導表。案於殿東中門止。序班入案。入置殿中。退立於東西柱

下樂止。贊宣表目。禮部官並宣表目。官跪宣畢。贊宣表。展表。官宣表。官跪。外贊贊衆官皆跪。宣畢。展表。東西退。內外皆贊俯伏。大樂作。興。樂止。宣表官退。序班舉案置殿東。外贊贊跪。衆官皆跪。代致詞。官致詞。傳制。官傳制。以下俱如洪武時。駕興。百官以次出。序班徹方物案。所司設黃帷於丹陛上。陳王府及勳臣總兵官外夷所進馬匹於丹墀內。禮部并鴻臚寺官立於丹墀東。候。

上易便服。御黃帷。甲士行禮畢。禮部官詣御道中。跪奏御馬過。奏畢復位。候馬過。詣御道中。跪奏馬過。

畢駕還宮

隆慶元年二月以朝儀久曠班行不肅下禮官議於是禮官言國初百官以品序列今殿前所列品山表識森然其後多不以品如內閣官錦衣衛陞立寶座東西翰林學士列僉都御史上翰林官不論品敘列京堂內科道官自爲一等列部屬先及鴻臚寺尚寶司列於西階三科六道與東班對侍或以糾察或以承旨其餘仍以品爲列如有紊越糾奏從之

朔望朝儀

洪武三年七月詔定凡朔望。

上皮弁服御奉天殿百官公服於丹墀東西對立俟引班合班北面立再拜班首詣前同百官鞠躬曰贊某官臣某起居曰。

聖躬萬福復位百官皆再拜分班對立省府臺部官有事奏者由西階陞殿奏事降自西階百官以次出無事則侍衛由西階陞殿跪奏如之侍儀降百官出。

十四年定凡朔望日文武百官具朝服鼓三嚴公侯一品二品官入東西角門三品以下官於丹墀

內班橫行序立。鐘三鳴。公侯一品二品以次入班。序立。鐘鳴畢。儀禮司奏外辦導。

駕官導。

上陞御座。鳴鞭。鳴贊。贊班通贊詣中道。贊班首臣某等起居。

聖躬萬福。百官五拜。儀禮司奏禮畢。十七年令百官朔望罷起居禮。後更定朔望日。

上御奉天殿。百官公服。常朝官序立於丹墀東西相向。謝恩。見辭官序立於奉天門外。北向候。

上陞座。樂作。常朝官一拜三叩首。樂止。復班。鴻臚寺。

奏謝恩。見辭於奉天門外。五拜三叩首。

駕興。

常朝御殿儀

洪武初定。凡早朝。文官左掖門入。武官右掖門入。華蓋殿朝。鹿頂外。東西立。鳴鞭。守衛官至。行禮侍立。各官以次行禮。有事者奏。無事奏者。四品以上侍殿內。五品以下。鹿頂外。北向立。鳴鞭。以次出。奉天殿朝。俱於華蓋殿行禮。奏事畢。五品以下詣丹墀。北向立。五品以上。及翰林院。給事中。監察御史。於中左中右門。候鳴鞭。詣殿內序立。朝退。以次出。如

先於奉天殿朝後奏事者。文武官於丹墀內北向立行禮。四品以上及翰林院給事中。監察御史。陞殿侍。餘如前序立。以次退。

三年十二月丙寅。

上諭禮官百官奏對及班列之中失禮者。劾之。奏事以次毋攬越。

六年九月丙午。

上諭中書省臣曰。凡新任官及武臣不閑禮儀。令侍儀司官日於午門外習之。命御史二人監視。不如儀者糾之。凡具公服朝參者。毋行私揖禮。其進表

箋及謝恩皆公服。回除不及具服。卽時謝恩。凡入午門。毋相跪拜。拱揖入朝。坐立毋越等。毋誼譁。毋指畫。毋窺望。御前毋唾。病許退回。列官掖出。賜坐卽坐。勿讓。有問先起。對復問不更起。凡立於東西隅。不得直前。錫宴不得素服。

十七年九月辛丑。命公侯駙馬。并文官三品。武官四品以上。許出入午門之右門。其有宣召及不時奏事。仍由左右掖門。

二十二年。今奉天殿常朝。五府六部。都察院。通政司。大理寺。錦衣衛。侍殿內。奏事止於華蓋殿。凡文

武百官於御前侍坐。有大小官奏事。必起立。畢復坐。凡官員從。

皇帝行丹墀。常北面。不南向。左右環轉。不背北。

皇帝陞奉天門。及丹陛。隨從官不得徑由中道。并王道。有旨。令行於側。隨行。凡殿上筵宴奏事。著履入。二十四年。定侍班官。東則六部堂上官。各於部掌印官。都察院堂上官。十三道掌印御史。通政司大理寺。太常寺。太僕寺。應天府。翰林院。春坊。光祿寺。欽天監。尚寶司。太醫院。五軍斷事官。及京縣官。西則五軍都督。及首領官。錦衣衛指揮。各衛掌印指。

揮給事中。中書舍人入朝次第。先朝參將軍。次近侍。次公侯駙馬伯。次五府六部。次應天府。及在京雜職。又令禮部置百官朝牌序牌。大書品級。列丹墀左右木柵上。依序立。

二十六年。令公侯序於前。次駙馬。次伯。自一品而下。風憲糾儀官北面立。紀事官居第一班後。稍近上。便於觀聽。如奏事從班末。至御前跪奏。勿闌入。永樂初。令內閣官侍朝。立金臺東。錦衣衛金臺西。後移御道東西立。

天順三年。令凡方面官入朝。遞降京官一班序。

嘉靖九年。令常朝官禮畢。內閣官於東陛。錦衣衛官於西陛。陞立於寶座東西。有欽差官及四夷人。領勅翰林院詹事坊局官一人。奉勅立內閣後。稍上候領勅官辭。奉勅官承旨。由左陛下。循御道授領勅官。仍還所立班。

十一年八月。

上體違和。數不視朝。鴻臚寺請領勅繳勅。及辭見官。暫受事左順門後。因爲制禮部謂非祖制。不可得旨。諸事非係重大。其如寺議。於是尚書夏言言。頒勅必御前。以重。

帝命可防詐傳旁出之奸。敕令必御前以達下情。可防遲留隱匿之弊。至於面議。則尤難。遲免朝。當少待。不可遽廢禮。此非重大。則無復重大者矣。臣愚以一時閤臣擬票之詞。宜加省察。

上然之。詔勅書領繳見辭官。並令候待。若免朝日。又方如寺議著爲令。

萬曆三年定常朝日記。注起居史官四人。列於東班。給事中上稍前。以便觀聽。

四年定五府都督官常朝班次。不得入候伯班。仍立於錦衣衛官後。稍上待錦衣衛官。詣金臺。仍與

南北司官同班而序於其上。

常朝御門儀

洪武初定如奉天門朝文武官至金水橋南東西序立。鳴鞭以次行至丹墀相向立。守衛官見文武官入班行禮有事者奏無事者入班朝退從東西出。近儀凡早朝鼓起文武官各於左右掖門外序立。鐘鳴門闕以次進至皇極門丹墀相向立。

上御寶座。鳴鞭。鴻臚寺官贊入班一拜三叩首。分班立。鴻臚寺官宣謝恩見辭諸人傳贊午門外行禮。畢贊奏事。以次奏訖御史序班糾儀。鴻臚寺跪奏。

奏事畢鳴鞭。

駕興百官出。

二十九年冬十月詔定各司奏事次第。先都督府次十二衛。次通政使司。次刑部。次都察院。次監察御史。次斷事。次吏戶禮兵工五部。次應天府。次兵馬指揮司。次太常寺。次欽天監。若太常寺奏祭祀則在諸司先。每朝。

上御奉天門。百官上謁畢。儀禮司依次贊奏事。奏畢復班。若。

上御殿。奏事官陞殿。以次奏畢。先退。其不陞殿日。俱。

於中左中右門外兩廊候奏事官出則皆出若於
文華殿啓事則詹事府在先餘如前凡晚朝惟通
政使司六科給事中守衛官奏事其各衙門有軍
情重事者許奏凡諸儒臣奏事或進呈文字退立
二三步毋輒進立於東西隅毋直前凡上行立處
不得奏事候坐定行禮俱北向

永樂四年令六部及近侍官有事當商確者於晚朝
陳奏。

永樂七年冬十月乙卯

上謂行在禮部尚書趙狙曰北京冬氣嚴凝群臣早

朝奏事立久不堪。今後朝畢於右順門內便殿奏事。於是徂同戶部尚書夏原吉、翰林學士胡廣等議奏。近日百官每日於正衙常參。今每日常朝上御奉天門百官行禮。

駕興御右順門內便殿百官有事奏者入奏。無事者退。朔望如常儀。制曰可。命自十一月朔始行之。

景泰二年九月戶部尚書兼翰林院學士陳循奏內閣係掌制誥機密重務。永樂初年本閣官員遇視朝立金臺東。後移下御道東西對立。又每午新進近御榻奏事多係制誥機密重務。不宜在五府六

部後詔常朝內閣學士與錦衣衛東西對立。經筵日同知經筵官序立于尚書都御史。上午朝翰林院先奏事。

成化元年令每日早朝各署并公差官具本奏及通政司類進疏附司禮監類進。

嘉靖十年定六科每月給事中二員。凡遇闕朝與糾儀御史及鴻臚寺官同覈。

隆慶六年定以三六九日視朝。

午朝儀

景泰初定。凡午朝。

上御左順門光顯內官設御座於門北設案於南文武執事奏事官先候於左掖門外候駕出各官序立內閣五府六部奏事官六科侍班官案西序立侍班御史二序班二將軍四案南面北立鴻臚寺鳴贊一。案東面西立錦衣衛鴻臚寺堂上官面東立管將軍官並侍衛官立於將軍西府部奏事畢撤案各官退有密事許赴御前奏。

萬曆二年午朝該日記汪起居史官四員列於御座西稍南。

諸王來朝儀

諸王來朝先期內使監官陳御座香案於奉天殿中如常儀設諸王次於奉天門東耳房內尚寶司設寶案於御座前侍儀司設諸王拜位於丹陛上及御座前王府官拜位於丹墀南內道上之東西鼓三嚴。

上御輿出引禮導王具衮冕由東門入東陛陞王府官入就丹墀位立贊禮贊拜樂作四拜興承傳贊拜四拜興樂止王詣殿東門入樂作內贊導王至御前樂止贊跪承傳贊跪王與王府官皆跪王致詞曰第幾子某王某茲遇某時入覲欽詣

父皇陛下朝拜內贊贊儀伏興承傳贊俯伏興王與
王府官皆俯伏興王由東門出興作引禮導復丹
陛拜位樂止贊禮贊拜樂作西拜興承傳贊西拜
興樂止禮畢

上興樂作警蹕侍從導至護身殿引禮導王出樂止
引班導王府官及百官以次出

洪武二十六年定凡各王大朝行八拜禮常朝一拜
凡伯叔兄見

天子在朝行君臣禮於便殿內行家人禮伯叔兄坐
東面西坐受

天子四拜伯叔兄就於受禮位坐

天子居正中南面坐以尚親親之義行君臣之禮

諸司朝覲儀

凡天下諸司朝覲官自十二月十六日始鴻臚寺
以次見二十五日後每日常朝方面官入奉天門
隨常朝官行禮序於文班視常朝官各降一等知
府知州知縣及諸司首領官吏土官土吏俱於午
門外行禮正月初一日大朝會以後方面官於奉
天殿前序立知府以下奉天門金水橋南序立如
常法儀

萬曆五年定凡朝覲兩京府尹行太僕寺苑馬寺卿
布按二司俱於十二月十六日朝見外班行禮由
右掖門至御前鴻臚寺官以次引見其鹽運使及
府州縣有司官吏浙江江西十七日山東山西十
八日河南陝西十九日湖廣南直隸二十日福建
四川二十一日廣東廣西二十二日雲南貴州二
十三日北直隸二十四日各外班行禮仍至御前
引見如免朝止於外行禮候御朝日引見如正旦
朝賀各官俱入殿前行禮其陞殿日行禮如常儀
凡朝覲官見辭謝恩具公服正旦具朝服不著朱

履常朝俱錦繡

朝皇后儀

洪武元年九月定

皇后正旦冬至朝賀儀先期內使監設皇后御座於坤寧宮正中設皇太子幄次於皇宮門外之東近北親王幄次近南之東西是日中宮丹陛設儀仗三十六內使執之殿上儀仗六女使執之設皇太子親王拜位於丹陛正中及殿內司贊二位於拜位之北司賓二位於贊南內贊二位於殿內東西向女樂陳於宮門外皇太子親王朝皇帝訖司贊

導至幄次皇后具冠服出仗動樂作陞座樂止司
賓導皇太子親王入初行樂作至位樂止司贊贊
拜樂作四拜樂止司賓導進自殿東門樂作內贊
導至御前拜位樂止皇太子致詞曰長子某茲遇
履端之節謹率諸弟某等恭詣母后殿下稱賀俯
伏興自殿東門出樂作復位樂止司贊贊拜樂作
四拜樂止禮畢皇后入閣皇太子親王由東門出
千秋節如之皇妃以下及內外命婦禮前期中使
監官設皇妃幄次於皇宮門外西近北設皇太子
妃王妃公主幄次於皇宮門外東稍南設內外命

婦幄次於門外之南東西向其日設儀仗於丹陛
擊執於御座之左右設拜位於陛上正中外命婦
侍立位於殿庭之東西拜位於殿庭正中設司贊
二於丹陛二於殿庭司賓二於陛上二於殿庭內
贊二於殿內俱東西向司言二於殿內東內贊北
女樂於宮門外皇后褙衣出閣仗動樂作陛座樂
止司賓二人於幄次導外命婦由東門入侍立位
二人導皇妃由東門入至陛上拜位以次立司贊
贊拜樂作四拜樂止司賓導皇妃由殿東門入至
殿上拜位贊跪貴妃衆妃皆跪貴妃致詞曰妾某

氏等茲遇履端之節恭詣皇后殿下稱賀贊興貴
妃由殿東門出樂作復位樂止司贊贊拜四拜樂
止導皇妃由東階降東門出司賓二人導皇太子
妃王妃公主由東門入至陛上拜位中皇太子妃
次王妃次公主以長幼列行禮如皇妃儀贊詞曰
長婦妾某氏等禮畢司賓導皇太子妃以下由東
門出司賓導外命婦入拜位司贊贊班贊拜樂作
四拜樂止司賓導班首由西階陞樂作自西門入
至殿上拜位樂止贊跪班首及外命婦皆跪班首
致詞曰某國夫人妾某氏等稱賀贊興皆興由西

皇日身所八
門出樂作復位樂止司言承旨由殿中門出立於
陛上之東南曰有旨命婦夫人以下皆跪司言宣
旨曰履端之慶與夫人等共之冬至則曰履長贄
與衆命婦皆與司言入啓宣旨畢司贊贊拜樂作
四拜樂止內使監官啓禮畢

皇后入閣命婦由西門出

太皇太后皇太后朝賀儀同

二十六年重定中官朝儀凡正旦前一日女官設
御座設香案其日清晨內官陳設儀仗陳女樂於
丹陛東西北向設箋案於殿東門外命婦至宮門

外司賓引命婦入就拜位女官具服侍班如常儀
尚宮尚儀等官詣內奉迎尚儀請陞座皇后具服
出道從如常儀樂作陞座樂止司贊贊班樂作四
拜樂止外贊贊進箋引箋案女官前導舉箋案女
官二舉案由殿東門入樂作至殿中樂止贊衆命
婦跪內贊贊宣箋目女官宣訖興贊宣箋展箋女
官詣案前取箋宣箋女官宣訖興舉案於殿東贊
命婦皆興司賓引班首由東階陞樂作自東門入
至殿中樂止贊跪班首致詞贊興班首及殿外命
婦皆興由西門出降自西階樂作至拜位樂止贊

拜樂作四拜樂止司言宣旨如儀贊興贊拜如儀
皇后興樂作還宮樂止導命婦以次出千秋節致
詞不傳旨凡朔望命婦朝參是日女官設皇后御
座於宮中內官陳設儀仗教坊司設女樂如常儀
設命婦拜位於丹墀引禮女官引命婦入班文東
武西各以夫品贊四拜樂作興樂止禮畢皇后駕
輿命婦以次出陰雨大寒暑則免後命婦朝賀俱
於仁智殿

東宮朝賀儀

洪武九年九月定東宮朝賀儀先期內使監陳皇太

子位於東宮正殿。侍儀司設箋案位於殿下之西。及殿中。文武官拜位於殿下。使客位於文官東。學官位於文官南。宣箋官。宣箋日官。展箋官。位於箋案西。受箋官。及承令官。位於殿上東。知班二位。於文武官北。贊禮二位。於知班北。內贊二位。於殿上南。俱東西向。引文武班舍人四位。於文武官北。東西向。引使臣二位。於文武南。西向。是日宿衛陳甲士。兵仗于東宮門外。中道拱衛司于殿下。設儀仗將軍六位。於門東西。和聲郎陳樂器。侍儀舍人常服。置箋函於案。引班導文武官常服。齊於門外。通

贊內贊宣箋。宣箋。目展箋。受箋。官承令官俱入。引
進。啓外備。導皇太子常服陞殿。樂作。陞座。樂止。文
武官入。知班贊班。樂作。四拜。興。樂止。丞相陞自西
階。至殿內拜位。內贊贊丞相。贊禮贊衆官。丞相跪。
衆官皆跪。丞相致詞曰。某等茲遇三陽開泰。福象
維新。敬惟皇太子殿下。茂膺景福。賀畢。俯伏。衆官
俯伏。興。丞相出自西門。復位。捧箋官與宣箋官。宣
箋。目官。展箋官。由西門入。捧箋官進箋。受箋官受
箋。置案西。展箋官跪。展興。復位。宣箋官詣案跪。讀
于西。興。復位。以箋復于案。由西門出。復位。承令官

由中門出立殿階東南曰有令衆官皆跪傳令曰履茲三陽願同嘉慶奉令畢由西門入復命俯伏興樂作四拜興樂止禮畢皇太子興樂作還宮舍人舉箋案出文武官以次出冬至則致詞曰茲遇冬至至律應黃鍾日當長至宣令則曰履長之節千秋節致詞曰茲遇皇太子殿下壽旦之辰謹率文武群臣敬祝千秋壽不傳令凡朔望日文武百官朝退詣文華殿門外分東西侍立俟皇太子陞殿樂作百官行一拜禮其謝恩見辭亦行禮以次出六年詔百官朝見太子朝服去蔽膝及佩

十四年十月辛酉給事中鄭昉同言國初之制凡
啓事東宮性東宮官屬稱臣朝臣則否蓋尊無二
上今一體稱臣於禮未安詔下群臣議翰林院編
修吳沉等曰東宮國之大本所以繼聖體而承天
位也臣子尊敬之禮何得有異相同之言非是請
凡啓事東宮者稱臣如故從之

二十六年六月壬寅命禮官重定東宮朝儀凡正
旦前一日典璽官設皇太子座於文華殿中錦衣
設儀仗於殿外東西教坊司陳大樂於文華門東
西北向府軍衛列甲士旗幟於門外錦衣衛設將

軍十二人於殿中門外。及文華門外東西向立。禮司官設箋案於殿東門外。設文武拜位於文華門外。設傳令宣箋等官位於殿內東西執事官先拜禮訖各就位。文武官詣文華門外北向立。導引官迎東官。具冕服出。樂作。以下如前儀。

永樂二年四月癸酉。禮部進東宮朝儀。先是上命禮部同六部都察院翰林院通政司大理寺鴻臚寺六科給事中等官議。東宮師保詹事官左右春坊司經局同翰林院鴻臚寺六科給事中錦衣衛等官左右序列於殿門外。鴻臚寺序班通事舍人引

文武百官於丹陛上丹墀內東西立諸司以次啓事。監察御史二員。司直郎清紀郎二員。北向立。糾儀啓事畢。百官退。有召問。百官同進。同出其獨進。獨留者。監察御史。鴻臚寺官。司直郎。清紀郎。糾之。凡啓事在京諸司。即以奏疏。在外諸司。奏疏一啓疏一。其詹事府主簿錄事。同春坊司直郎。清紀郎。司諫。分爲六科。各紀皇太子令旨。凡諸司啓事。及皇太子令旨。每日奏聞。六科給事中亦奏聞。諸司所啓事訛。卽糾覈。啓事畢。同詹事府官詳審可否。或事不可行。及啓與奏不同。悉以聞。

嘉靖二十八年禮部奏故事皇太子朝賀設坐文華殿中今易黃瓦則東宮受賀似應避尊上曰東宮受賀位當設文華門之左南向然侍衛未備已之隆慶二年冊皇太子詔於文華殿門東間設座受群臣朝賀百官於文華門外列班。

三師朝賀東宮

洪武元年十二月定三師朝賀東宮儀。上以東宮師傅皆勲舊大臣。當以殊禮。譚同庶僚。命禮官議。於是禮部及翰林諸儒臣議曰。唐制羣臣朝賀東宮。行四拜禮。皇太子答後二拜。三公朝賀。前後俱答。

拜近代各拜之禮不行。而三師之禮不可不重。今擬凡大朝賀設皇太子座於大本堂。設各拜褥位於堂中。設三師賓容諭德拜位於堂前。贊禮二位於三師北。內贊二位於堂中。至日皇太子常服陞座。三師賓客常服入就位。北向立。皇太子起立。南向贊禮贊四拜。皇太子答後二拜。

親王見東官

萬曆十二年六月詔廷臣議親王見東官禮儀。禮部會官議凡親王來朝具袞服見天子禮畢。次見東官引禮官導王由文華東門入至殿前西向立東

官具冕服執大圭。詹事府官六員導出。陞座。東官
官左右侍從。引禮官引王就拜位。行四拜禮。東官
坐受畢。東官與王俱衣常服。至後殿序家人禮。從
之。

二十九年八月詔。廷臣重議親王見東宮禮。禮官
議諸王來朝。具冕服。見天子畢。次見東宮。已有定
議。其敘家人禮。王及東宮俱常服。引禮官請王由
文華殿東門入。至後殿。王西向坐。東官南面。贊禮
官四拜。王坐受。相見禮畢。敘坐則東官正中。南面。
諸王列於東西。奏上從之。時諸王皆東宮叔父。故

有是議。諸王來見。前期內使監官設皇太子位於正殿中。設諸王次於東宮門外。侍儀司設諸王拜位於殿門外。及殿內設王府官拜位於殿庭中道。上之東西北向。贊禮二位於王拜位北。內贊二位於殿內。王拜位北。傳贊二位於王府官拜位北。稍南皆東西向。王朝賀中宮訖。至東宮門外。幄次。皇太子常服出。樂作。陞座。樂止。引禮二人引王入。就殿門外位。王初行。樂作。就位。樂止。引班二人引王府官入。贊禮承傳同贊拜。樂作。王與王府官皆拜興。樂止。引王詣殿東門入。樂作。內贊二人引王至。

位北向立樂止。內贊承傳同贊跪。王與王府官皆
跪。王致詞曰。恭詣皇太子殿下。內贊承傳同贊興。
王與王府官俯伏興。王由殿東門出。樂作。復位。樂
止。贊禮承傳同贊拜。王與王府官皆拜。興。樂止。贊
禮承傳同禮畢。皇太子興。樂作。引禮引王出。樂止。
王府官及文武陪位以次出。洪武間定命婦朝東
官妃儀如朝中官。不傳旨。

蕃王朝貢禮

洪武二年九月定蕃王朝貢禮。蕃王至龍江驛。遣侍
儀通贊舍人二。妾半。應天府。江府。巨港。七。明官。

於正廳。陳蕃王座於廳西北。末向。知府座於廳東南。南向。以賓王接見。宴畢。知府還。蕃王送於門外。且府從官伴送蕃王入會同館。禮部尚書奉旨。卽館宴勞。尚書至。蕃王服其國服出迎。相見宴享如龍江驛。酒行作樂。宴畢。尚書及從官皆出。蕃王與其從官。送至館門外。明日中書省奏知命官一員詣館。如前宴勞。侍儀司以蕃王及從官具服於天界寺習儀三日。擇日朝見。前一日。侍儀司設蕃王及從官。次於午門外。蕃王拜位於丹墀中道。稍西。從官於後。設方物案於丹墀中道東西。知班二位。

於蕃王拜位北引蕃王舍人二位於蕃王從官北
鼓初嚴禮部陳方物於午門外次嚴執事官入接
伴舍人引班舍人引蕃王及從官立俟於午門外
三嚴文武官入侍執事舉方物案蕃王後由西門
入奉天西門至殿前丹墀西俟立

皇帝服通天冠絳紗袍御輿以出大樂鼓吹振作陞
座樂止捲簾鳴鞭報時蕃王及從官各就拜位以
方物案置蕃王拜位前贊拜樂作四拜樂止引班
導蕃王陞殿宣方物官取方物狀從由西陞陞樂
作從殿西門入內贊引蕃王至御前樂止贊拜蕃

王再拜。跪稱賀。致詞。宣物官跪於御座西。宣狀。承制官跪。承制。宣制。贊拜。由西門入。樂作。復位。樂止。贊拜。樂作。四拜。樂止。禮畢。

皇帝興。樂作。至謹身殿。樂止。引班導蕃王及從官出。蕃王陛辭。如朝見儀。不設承制。傳制。方物案。宣狀。等官。中書省。率禮部官。送至龍江驛。宴如初。禮部還。應天府官送行。

二十七年夏四月

上以舊儀煩命更定。凡蕃國王來朝。先遣禮部官。勞於會同館。明日各具其國服。如常賜朝服者。則服。

朝服於奉天殿朝見。行八拜禮畢。卽詣文華殿。皇太子行四拜禮。見親王亦如之。親王立受。後答二拜。其從官隨蕃王後行禮。凡遇宴會。蕃王班次居侯伯之下。其蕃國使臣及土官朝貢。如常朝儀。蕃使入見禮。

洪武二年九月。定蕃使入見禮。凡蕃國遣使朝貢。至驛。遣應天府同知禮待。如蕃王禮。明日。同知與蕃使至會同館。接伴舍人引蕃使由西。同知由東。入報中書省。省臣以聞。命禮部侍郎於館中禮待。如儀。宴畢。侍儀司以蕃使習儀三日。擇日朝見。如蕃

王禮承制官承制自中門出降詣使者前稱有制。使者皆跪。宣制曰。皇帝問使者來時。爾國王安否。使者答拜。俯伏興。樂作。再拜。樂止。承制官稱有後制。使者跪。宣制曰。皇帝又問爾使者遠來勤勞。使者答畢。樂作。再拜。樂止。承制官升殿中。復命訖。樂作。使者皆四拜。樂止。皇帝興。樂作。還宮。樂止。文武官及使者皆出。

論曰。國朝朝會之禮。恭用漢唐宋之舊。漢以十月朔行饗會。二千石以上。上殿。上壽。唐以正旦。千秋節。含元殿受朝賀。宋以正旦。五月朔。冬至。千秋節。

行大朝會於文德殿。此今之大朝也。漢宣帝五日一朝。唐以宣正殿爲前殿。謂之正衙。日見羣臣。謂之常參。以紫宸爲便殿。謂之入閣。宋則侍從官。日朝垂拱。謂之常參。五日一朝。紫宸。謂之六參。朔望一朝。爲朔參望參。此則今之常朝也。

太祖時。正至。聖壽奉天殿受朝賀。賜宴謹身殿。及東西廡。其蕃使表賀。則以其所至之日而設朝。每日見羣臣於謹身殿。或奉天殿。奉天門。以爲常朝。正德而前。列聖無日不見羣臣。

世皇中歲躬修玄默。臣工罕見顏色。然二三大臣入

直無逸者。則日在帝左右。雖非
太祖故事。而精神亦流注寰宇矣。
中宮之不於坤寧。而於仁智也。

東宮之不於文華殿。而於文華門也。皆非其初也。